



CONCELLO DE MONFERO (A Coruña)

ACTA DA SESIÓN EXTRAORDINARIA CELEBRADA POLA XUNTA DE GOBERNO LOCAL DO CONCELLO DE MONFERO O DÍA VINTE E UN DE XANEIRO DE DOUS MIL VINTE E SEIS (02/2026)

Na Casa do Concello de Monfero, ás doce horas e dezaioito minutos do día vinte e un de xaneiro de dous mil vinte e seis, en primeira convocatoria, baixo a presidencia do Primeiro Tenente de Alcalde, D. Alberto Cortizas Rejo, en funcións de Alcalde por enfermidade do Sr. Alcalde, D. Andrés Feal Varela, reúnen-se os Sres. Concelleiros: D. José Grueiro Torrado e D. Ramón Grueiro Martínez, para o efecto de celebrar a sesión extraordinaria convocada para ese día ás doce horas.

Actúa como secretario o que o é da Corporación, D. Baldomero Beceiro Alonso.

Os asuntos da **orde do día** son os seguintes:

- 1.- Aprobación da acta da sesión do día 14 de xaneiro de 2026
- 2.- Aprobación de expediente de recoñecemento extraxudicial de créditos núm. 1/2026 (RF núm. XREC1SUF/2026)
- 3.- Solicitud de axuda de emerxencia social
- 4.- Adjudicación de contratos menores

1.- APROBACIÓN DA ACTA DA SESIÓN DO DÍA 14 DE XANEIRO DE 2026

O Sr. Alcalde en funcións pregúntalles aos asistentes se teñen que facer algunha alegación á devandita acta, que, como está acordado, se publicou no Taboleiro de Anuncios Electrónico do Concello con anterioridade á convocatoria desta sesión, e non formulan ningunha. O Sr. Alcalde en funcións, ao non facerse ningunha alegación, proclama que a acta da sesión do día 14 de xaneiro de 2026 se considera aprobada sen ningunha obxección.

2.- APROBACIÓN DE EXPEDIENTE DE RECOÑECIMIENTO EXTRAJUDICIAL DE CRÉDITOS NÚM. 1/2026 (RF NÚM. XREC1SUF/2026)

O Sr. Secretario-Interventor informa sobre as facturas a aprobar, sobre a proposta de acordo da Alcaldía con respecto a este punto da orde do día que, corrixida por orde del, se transcribe literalmente deseguido, sobre os seus informes de Secretaría e de Intervención e sobre o resto da documentación que, como a anteriormente indicada, consta asinada dixitalmente no expediente electrónico da aplicación Tedec relacionado con este punto:

“PROPOSTA DA ALCALDÍA

Logo de examinar as facturas incluídas na relación delas n.º 001XRE1SUF/2026, que deseguido se describe na parte dispositiva, ás que se refire o expediente de recoñecemento extraxudicial de créditos n.º 1-2026, así como os informes de Secretaría e de Intervención que figuran nel e que, como a citada relación, constan asinados no correspondente expediente electrónico, tramitado para



CONCELLO DE MONFERO (A Coruña)

a súa aprobación con omisión da función interventora na contratación á que se refiren os gastos a recoñecer e no que se pronuncia nos termos e co alcance do artigo 28 do Real Decreto 424/2017, de 28 de abril, polo que se regula o réxime xurídico do control interno das entidades do sector público local.

Considerando que consta acreditado que os servizos aos que se refiren foron realizados de conformidade e por encargo e en beneficio do Concello, a quen lle corresponde atender os gastos correspondentes para poder prestar os servizos esenciais á veciñanza, o que os xustifica de maneira motivada en todos os casos, que se dispón de crédito orzamentario suficiente e axeitado para facerlles fronte, que descoñecía a necesidade de fiscalización previa, que a falta de cumprimento dalgún dos requisitos esixidos non pode constituír impedimento para facerlle fronte a obriga de pagamento, nin ocasionar o enriquecemento inxusto do Concello por incumprir a obriga ao seu cargo, nin se poden paralizar os servizos polas dificultades na aplicación da normativa e que, polo tanto, concorren razóns de interese público que aconsellan non acudir á vía da revisión de oficio polos graves prexuízos que iso podería causar para o terceiro que actúa de boa fe, propóñolle á Xunta de Goberno Local a adopción dos seguintes acordos:

Tomar coñecemento de que con data 16/01/2026 mediante resolución da Alcaldía núm. 22/2026 se levantaron os reparos formulados pola Secretaría-intervención en relación con este expediente.

Coñecer e resolver a omisión de fiscalización acontecida, continuar coa tramitación do procedemento, aprobar o expediente de recoñecemento extraxudicial de créditos núm. 1-2026 e recoñecer e liquidar as obrigas deste Concello correspondentes aos gastos realizados no exercicio anterior e liquidar as cantidades a satisfacer derivadas das prestacións que se inclúen na relación de facturas que consta no devandito expediente e que se integran no anexo que se reflicte deseguido, e acumular nun só acto as tres fases de execución do gasto ás que se refire o art. 67.1.b) do Real decreto 500/1990, do 20 de abril, gastos aos que se presta aprobación, e que a Tesourería Municipal proceda ao seu pagamento aos ditos provedores e a súa contabilización con cargo ás aplicacións orzamentarias que nela se indican:

Relación de facturas 001XREC1SUf/2026, cun importe de 40.110,54€, integrada por 403 facturas, desde a factura n.º FE25390030117254, de data 15/09/2025, de Naturgy Clientes S.A.U., por importe de 247,60€, ata a factura n.º F2502553, de data 31/12/2025, de Combustible Río Eume, por importe de 430,11€.

O Alcalde en funcións
Alberto Cortizas Rejo

A Xunta de Goberno local, por delegación do Pleno da Corporación, toma razón e, por unanimidade, acorda aprobar a proposta.

3.- SOLICITUDE DE AXUDA DE EMERXENCIA SOCIAL

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O Sr. Secretario-Interventor da conta da solicitude da persoa interesada e da súa documentación anexa, do informe – proposta favorable da Traballadora Social, do informe de fiscalización limitada previa de requisitos básicos de conformidade da Intervención e da proposta de acordo da Alcaldía con respecto a este punto da orde do día que, como o resto da documentación, consta asinada dixitalmente no expediente electrónico do aplicativo Tedec que consta na dita proposta que se transcribe textualmente a continuación:

“PROPOSTA DE ACORDO QUE FORMULA A ALCALDÍA A XUNTA DE GOBERNO LOCAL

Nº EXPEDIENTE: 2026/S009/000002

OBXECTO: Concesión axuda emerxencia social M.G., J.

Logo de ver o expediente tramitado a solicitude da persoa coas iniciais que se indican, o informe favorable emitido pola Traballadora Social do Concello de Monfero, Dona Patricia Martínez Lago, e o informe de fiscalización limitada previa de requisitos básicos de conformidade da Intervención, e considerando que se dan as circunstancias sinaladas na Ordenanza municipal reguladora das axudas de emerxencia social do Concello de Monfero (OAESM), que consta que a instrutora do procedemento comprobou a través da consulta de interoperabilidade do aplicativo TEDEC a documentación esixida no artigo 10 da OAESM e que reúne os requisitos esixidos nela para a concesión deste tipo de axudas, e que o gasto debe de xustificarse en forma, propóñolle a Xunta de Goberno Local a adopción dos seguintes acordos:

- 1.- Conceder unha axuda de emerxencia social (art. 3.1 a, c) da OAESM para cubrir as necesidades básicas de subsistencia non cubertas por outros sistemas de protección (alimentación) e produtos de aseo persoal á persoa que responde ás iniciais M.G., J. que se identifica no expediente electrónico do programa TEDEC indicado anteriormente, por importe máximo de 600 euros. As compras dos produtos básicos de alimentación e de aseo persoal serán realizadas pola traballadora social do Concello, Patricia Martínez Lago, e se lle fará a entrega á persoa beneficiaria no Concello.
- 2.- Imputar o gasto correspondente á aplicación do orzamento en vigor 231.48100
- 3.- Notificar este acordo á persoa interesada.
- 4.- Trasladar este acordo á Traballadora Social do Concello para que proceda a realizar a compra e ao Servizo Municipal de Contabilidade, Tesourería e Nóminas para a realización das anotacións contables derivadas del.

O Alcalde en funcións, Alberto Cortizas Rejo”

A Xunta de Goberno local, por delegación, toma razón e, por unanimidade, acorda aprobar a proposta.



CONCELLO DE MONFERO (A Coruña)

4.- ADXUDICACIÓN DE CONTRATOS MENORES

O Sr. Secretario-interventor dá conta deste expediente de contratación, da oferta recibida, do informe da Secretaría-Intervención e da proposta de acordo da Alcaldía con respecto a este punto que se transcribe literalmente deseguido e que, como a documentación citada, consta asinada dixitalmente no expediente electrónico da aplicación Tedec que se indica na dita proposta:

EXPEDIENTE CONTRATO MENOR	
Órgano:	Xunta de Goberno Local
Número expediente:	2026/C002/000002
Tipo:	SERVIZOS
Obxecto:	ACTIVIDADE DEPORTIVA NA NEVE 2026 (segundo memoria que consta no expediente)
Código CPV:	92620000-3 Servizos relacionados cos deportes
Orzamento base licitación:	9.895,38€
Aplicación orzamentaria:	341.22798
Prazo execución:	16,17,18 de febreiro 2026
Necesidade a satisfacer: (art. 118.2 da Lei 9/2017)	O Concello ten a necesidade de contratar esta subministración para a realización e cumprimento dos seus fins institucionais e non conta cos medios materiais nin humanos propios adecuados ou suficientes, nin pode satisfacerse a dita necesidade con ningún outro contrato ou negocio xurídico previo en vigor
Fins institucionais que pretenden satisfacerse (competencia municipal):	Promoción do deporte e ocupación do tempo libre {art. 25.2.I) da Lei 7/1985}
Financiamento:	Fondos municipais



CONCELLO DE MONFERO (A Coruña)

OFERTA	DEPORTES Y FORMACIÓN ARROPAJE 3 S.L	
IMPORTE	8173,87€	Total: 9890,38€

Logo de ver a oferta recibida e a documentación do expediente electrónico, considerando que o contrato é necesario polos motivos que se indican, que o seu obxecto non é susceptible da súa división en lotes, cos mesmos argumento que constan no acordo da Xunta de goberno local que inicia o expediente, a insuficiencia de medios para realizado, acreditada tamén no acordo, e que a utilización do contrato menor como sistema para a adxudicación, ademais de resultar procedente por non superar os límites para consideralo como tal, é o máis axeitado pola súa axilidade, eficacia e economía de trámite, e a reducida capacidade de xestión municipal que dificulta a utilización doutros procedementos inxustificadas tamén economicamente polo reducido importe do contrato e a urxencia de contratar o servizo coa rapidez necesaria para a realización da actividade nas datas programadas, por iso, propóñolle á Xunta de Goberno Local a adopción do seguinte acordo:

- Informar que o contrato ao que se refire este expediente é necesario polo motivo indicado na parte expositiva do presente acordo.
- Xustificar que non se está alterando de maneira fraudulenta o obxecto do contrato para evitar un indebido fraccionamento del coa finalidade de prescindir da aplicación das regras xerais de contratación, de publicidade e demais requisitos.
- Adxudicar ao contratista indicado, o servizo que se especifica, e mais aprobar o gasto correspondente, autorizándoo e dispoñéndoo con cargo á aplicación orzamentaria que se reflicte.
- Notificar este acordo ao adxudicatario, trasladándolle que este contrato non precisa de formalización para o seu perfeccionamento segundo o art. 36.1 da citada Lei 9/2017.
- Trasladar este acordo ao Negociado municipal de Contabilidade, Tesourería e Nóminas para a realización das anotacións contables derivadas deste acordo de compromiso ou disposición de gasto.

O Alcalde en funcións, Alberto Cortizas Rejo

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

E sen máis asuntos que tratar, o Sr. Alcalde en funcións levantou a sesión, ás doce horas e vinte e sete minutos do día ao principio indicado, e eu, como Secretario, certifícoo.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O Alcalde en funcións

O Secretario